

古本傷寒論 卷下

傷寒雜病論卷第八

漢長沙太守南陽張機仲景述

問曰。病有結胸。有藏結。其狀何如。答曰。按之痛。寸脈浮。關脈沉。名曰結胸也。

何謂藏結。答曰。

通行本錯簡在如結胸狀條。

藏結者。五藏各具。寒熱攸分。宜求血分。血凝結而氣

阻。雖有氣結。皆血爲之。假令肝藏結。必在左。左脇下痛而嘔。脈沉弦而結。宜吳茱萸湯。若發熱不嘔。此爲實。脈當沉弦而急。宜桂枝當歸丹皮桃核枳實湯主之。通行本佚

吳茱萸湯方

吳茱萸

洗一升

人參

三兩

生薑

六兩

大棗

十二枚擘

右四味。以水七升。煮取二升。去滓。溫服七合。日三服。

桂枝當歸丹皮桃核枳實湯方

桂枝

二兩

當歸

二兩

丹皮

三兩

桃核

二十枚去皮尖

枳實

二兩

右五味。以水八升。煮取三升。溫服一升五合。日再服。

心藏結。必心中痛。鬱鬱不樂。脈大而濇。宜連翹阿膠半夏赤小豆湯主之。若心中熱痛而煩。脈大而弦急。此爲實。宜黃連阿膠半夏桃核茯苓主之。通行本佚

連翹阿膠半夏赤小豆湯方

連翹二兩 阿膠一兩半 半夏半升 赤小豆三兩

右四味。以水四升。先煮三物。取二升。去滓。內膠烱消。溫服七合。日三服。

黃連阿膠半夏桃核茯苓湯方

黃連三兩 阿膠二兩 半夏半升 桃核二十枚 茯苓三兩
去皮尖

右五味。以水五升。先煮四味。取二升。去滓。內膠烱消。溫服一升。日再服。

肺藏結。胸中閉塞。喘咳善悲。脈短而濇。宜百合貝母茯苓桔梗湯主之。若咳血胸中痛。此爲實。宜葶藶括蕤半夏丹皮大棗湯主之。通行本佚

百合貝母茯苓桔梗湯方

百合

七枚

貝母

三兩

茯苓

三兩

桔梗

二兩

右四味。以水七升。煮取三升。分溫三服。

葶藶括蕒半夏丹皮大棗湯方

葶藶

熬令黃色搗丸如雞子大

括蕒實

大者一枚搗

半夏

一升

牡丹皮

三兩

大棗

十二枚

右五味。以水六升。煮取三升。分溫三服。

脾藏結。腹中滿痛。按之如覆杯。痛甚則吐黃水。食不化。脈伏而緊。宜白朮枳實桃仁乾薑湯主之。若腹中脹痛不可按。大便初溏後鞭。轉失氣。此爲實。宜大黃丹皮厚朴半夏茯苓甘草湯主之。

通行本佚

白朮枳實桃仁乾薑湯方

白朮

二兩

枳實

一兩

桃仁

二十枚

乾薑

二兩

右四味。以水五升。煮取二升。溫服一升。日再服。

大黃丹皮厚朴半夏茯苓甘草湯方

大黃 三兩 牡丹皮 二兩 厚朴 三兩 半夏 一升 茯苓 四兩 甘草 二兩

右六味。以水六升。煮取三升。溫服一升。日再服。

腎藏結。少腹鞭。隱隱痛。按之有核。小便時清時濁。脈沉細而結。宜桂枝附子茯苓丹皮湯主之。若小腹急痛。小便赤數。此爲實。脈當沉緊而急。宜附子桂枝黃柏丹皮茯苓湯主之。

通行本佚

桂枝附子茯苓丹皮湯方

桂枝 二兩 附子 一枚 茯苓 三兩 丹皮 三兩

右四味。以水五升。煮取二升。溫服一升。

附子桂枝黃柏丹皮茯苓湯方

附子

一枚

桂枝

二兩

黃柏皮

二兩

牡丹皮

三兩

茯苓

三兩

右五味。以水六升。煮取二升。溫服一升。

師曰。如結胸狀。飲食如故。時時下利。寸脈浮。關脈小細沉緊。名曰藏結。舌上白胎滑者。難治。

藏結無陽證。不往來寒熱。一云寒而不熱其人反靜。舌上胎滑者。不可攻也。

病發於陽。而反下之。熱入因作結胸。病發於陰。而反下之。汗一作因作痞也。所以成結胸者。以下之太早故也。結胸者。項亦強。如柔痙狀。下之則和。宜大陷胸丸方。

大黃

半斤

葶藶子

半升

芒消

半斤

杏仁

半升

去皮尖熬黑

右四味。搗篩二味。內杏仁芒消。合研如脂。和散。取如彈丸一枚。則搗甘遂末一錢。七。白蜜二合。水二升。煮取一升。溫頓服之。一宿乃下。如不下更服。取下爲效。禁如

藥法。

結胸證。其脈浮大者。不可下。下之則死。

結胸證悉具。煩躁者亦死。

太陽病。脈浮而動數。浮則爲風。數則爲熱。動則爲痛。

通行本多數則爲虛四字。

頭痛發熱。微盜汗

出。而反惡寒者。表未解也。醫反下之。動數變遲。膈內拒痛。

痛一云頭痛卽眩。

胃中空虛。客氣動

隔。短氣躁煩。心中懊懣。陽氣內陷。心下因鞭。則爲結胸。大陷胸湯主之。若不結胸。但

頭汗出。餘處無汗。劑頸而還。小便不利。身必發黃。宜五苓散主之。

方治通行本闕

大陷胸湯方

大黃

六兩去皮

芒消

一升

甘遂

一錢

右三味。以水六升。先煮大黃。取二升。去滓。內芒消。煮一兩沸。內甘遂末。溫服一升。

得快利。止後服。

五苓散方

豬苓

十八銖
去黑皮

白朮

十八銖

澤瀉

一兩
六銖

茯苓

十八銖

桂枝

半兩
去皮

右五味爲散。更於白中杵之。白飲和方寸匕服之。日三服。多飲煖水。汗出愈。

傷寒六七日。結胸熱實。脈沈緊而實。通行本作沈而緊。闕實字。心下痛。按之石硬者。大陷胸湯主

之。

傷寒十餘日。熱結在裏。復往來寒熱者。與大柴胡湯。但結胸無大熱者。此爲水結在胸脇也。但頭微汗出者。大陷胸湯主之。

大柴胡湯方

柴胡

半斤

枳實

四枚

生薑

五兩

黃芩

三兩

芍藥

三兩

半夏

半升

大棗

十二枚

大黃

二兩

右八味。以水一斗二升。煮取六升。去滓再煎。溫服一升。日三服。

太陽病。重發汗而復下之。不大便五六日。舌上燥而渴。日晡所小有潮熱。一云日晡所發。心胸

煩大從心下至少腹鞭滿。而痛不可近者。大陷胸湯主之。

小結胸病。正在心下。按之則痛。脈浮滑者。小陷胸湯主之。方。

黃連 一兩 半夏 半升 洗 括蕒實 大者一枚

右三味。以水六升。先煮括蕒。取三升。內諸藥。煮取二升。去滓。分溫三服。

太陽病。二三日。不能臥。但欲起。心下必結。脈微弱者。此本有寒分也。反下之。若利止。必作結胸。未止者。通行本多四日。復下之五字。此作協熱利也。

太陽病。其脈促。一作縱。下之。通行本誤接。太陽病下。不結胸者。此爲欲解也。脈浮者。下之必結胸。

脈緊者。下之必咽痛。脈弦者。下之必兩脇拘急。脈細數者。下之頭痛未止。脈沉緊者。下之必欲嘔。脈沉滑者。下之協熱利。脈浮滑者。下之必下血。按自脈浮者句以下。下之二字。通行本皆闕。

病在陽。應以汗解之。反以冷水濯之。若灌之。其熱被劫不得去。彌更益煩。肉上粟起。意欲飲水。反不渴者。服文蛤散。若不差者。與五苓散。寒實結胸。無熱證者。與三物小陷胸湯。

白散亦可服。一云與三物小白散。七。

文蛤散方

文蛤五兩 麻黃

甘草

生薑各三兩

石膏五兩 杏仁五十粒

大棗十二枚

右七

通行本一作一

味爲散。以沸湯和一方寸七服。湯用五合。以水二升。煎至水減過半。

溫服。汗出卽愈。

通行本闕。亦見金匱。名文。但闕。以水二升。四字。

白散方

桔梗三分 巴豆

一分去皮心熬黑研如脂

貝母三分

右三味爲散。內巴豆。更於臼中杵之。以白飲和服。強人半錢七。羸者減之。病在膈上必吐。在膈下必利。不利。進熱粥一杯。利過不止。進冷粥一杯。身熱皮粟不解。欲引衣自覆。若以水澀之洗之。益令熱劫不得出。當汗而不汗則煩。假令汗出已。腹中痛。與芍藥三兩。如上法。

太陽與少陽併病。頭項強痛。或眩冒。時如結胸。心下痞鞭者。當刺大椎第一間肺俞肝俞。慎不可發汗。發汗則譫語。脈弦大。大字通五日。譫語不止。當刺期門。

婦人中風。發熱惡寒。經水適來。得之七八日。熱除而脈遲身涼。胸脅下滿。如結胸狀。譫語者。此爲熱入血室也。當刺期門。隨其實而取之。九

婦人中風。七八日。續得寒熱。發作有時。經水適斷者。此爲熱入血室。其血必結。故使如瘡狀。發作有時。小柴胡湯主之。方十。

柴胡半升 黃芩三兩 人參三兩 半夏半升 甘草三兩 生薑三兩 大棗十二枚

右七味。以水一斗二升。煮取六升。去滓。再煎。取三升。溫服一升。日三服。

婦人傷寒發熱。經水適來。晝日明了。暮則譫語如見鬼狀者。此爲熱入血室。無犯胃氣。及上下。通行本作二。焦必自愈。

傷寒六七日。發熱微惡寒。支節煩疼。微嘔心下支結。外證未去者。柴胡桂枝湯主之。

方十二。

桂枝去皮 黃芩半一兩 人參半一兩 甘草炙一兩 半夏二合半洗 芍藥半一兩 大棗六枚 生薑一兩

切半 柴胡四兩

右九味。以水七升。煮取三升。去滓。溫服一升。本云人參湯作如桂枝法。加半夏柴胡黃芩。復如柴胡法。今用人參作半劑。

傷寒五六日。已發汗而復下之。胸脇滿微結。小便不利。渴而不嘔。但頭汗出。往來寒熱心煩者。此爲未解也。柴胡桂枝乾薑湯主之。方十三。

柴胡半斤 桂枝三兩去皮 乾薑二兩 括蕤根四兩 黃芩三兩 牡蠣二兩熬 甘草二兩炙

右七味。以水一斗二升。煮取六升。去滓。再煎取三升。溫服一升。日三服。初服微煩。復服汗出便愈。

傷寒五六日。頭汗出。微惡寒。手足冷。心下滿。口不欲食。大便鞭。脈細者。此爲陽微結。

必有表復有裏也。脈沉亦在裏也。汗出爲陽微。假令純陰結。不得復有外證。悉入在裏。此爲半在裏半在外也。脈雖沉細。通行本不得爲少陰病。所以然者。陰不得有汗。

今頭汗出。故知非少陰也。可與小柴胡湯。設不了了者。得屎而解。

傷寒五六日。嘔而發熱者。柴胡湯證具。而以他藥下之。柴胡證仍在者。復與柴胡湯。此雖已下之。不爲逆。必蒸蒸而振。却發熱汗出而解。若心下滿而鞭痛者。此爲結胸也。大陷胸湯主之。但滿而不痛者。此爲痞。柴胡不中與之。宜半夏瀉心湯。方十五。

半夏半升

黃芩

乾薑

人參

甘草

各三兩炙

黃連

一兩

大棗

十二枚擘

右七味。以水一斗。煮取六升。去滓。再煎取三升。溫服一升。日三服。須大陷胸湯者。

方用前法。

夏一方用半一升。

太陽少陽併病。而反下之。成結胸。心下鞭。下利不止。水漿不下。其人心煩。

脈浮而緊。而復下之。緊反入裏。則作痞。按之自濡。但氣痞耳。小青龍湯主之。

方治通本闕。

小青龍湯方

麻黃去節芍藥

細辛

乾薑

甘草炙

桂枝各三兩
去皮

五味子半升半

夏半升
洗

右八味。以水一斗。先煮麻黃。減二升。去上沫。內諸藥。煮取三升。去滓。溫服一升。若

渴。去半夏。加栝蒌根三兩。若微利。

通行本誤入去麻黃加葶花
如一雞子熬令赤色十四字

若噎者。去麻黃。

加附子一枚。炮。若小便不利少腹滿者。去麻黃。加茯苓四兩。若喘。

通行本誤入
去麻黃三字

加杏仁半升。去皮尖。

通行本多且葶花不治利麻黃主喘今此語
反之疑非仲景意二十字。此爲叔和所注。

太陽中風。下利嘔逆。表解者。乃可攻之。其人熱熱汗出。發作有時。頭痛心下痞滿。

引脇下痛。乾嘔短氣。汗出不惡寒者。此表解裏未和也。十棗湯主之。方十六。

芫花熬

甘遂

大戟

右三味等分。各別搗爲散。以水一升半。先煮大棗肥者十枚。取八合。去滓。內藥末。

強人服一錢七。羸人服半錢。溫服之。平旦服。若下少病不除者。明日更服。加半錢。得快下利後。糜粥自養。

太陽病。醫發汗。遂發熱惡寒。因復下之。心下痞。表裏俱虛。陰陽氣并竭。無陽則陰獨。復加燒針。因胸煩面色青黃。膚瞶者難治。今色微黃。手足溫者易愈。

心下痞。按之濡。其脈關上浮大。通行本闕者。大黃黃連瀉心湯主之。方十七。

大黃 二兩 黃連 一兩 黃芩 一兩

通行本闕黃芩。

右三味。以麻沸湯二升漬之。須臾絞去滓。內附子汁。分溫再服。

心下痞。而復惡寒汗出者。附子瀉心湯主之。方十八。

大黃 二兩 黃連 一兩 黃芩 一兩 附子 一枚

炮去皮破別煮取汁

右四味。切三味。以麻沸湯二升漬之。須臾絞去滓。內附子汁。分溫再服。

本以下之。故心下痞。與瀉心湯。痞不解。其人渴而口躁煩。小便不利者。五苓散主之。

一方云忍之一日乃愈之

傷寒汗出解之後。胃中不和。心下痞鞭。乾噫食臭。脇下有水氣。腹中雷鳴下利者。生薑瀉心湯主之。方二十。

生薑四兩切 甘草三兩炙 人參三兩 乾薑一兩 黃芩三兩 半夏半升洗 黃連一兩 大棗二十枚擘

擘枚

右八味。以水一斗。煮取六升。去滓。再煎取三升。溫服一升。日三服。通行本多附子瀉心湯。本云理中。人參黃芩并瀉肝法。五十字。

附子半夏瀉心湯。本云理中。人參黃芩并瀉肝法。五十字。

傷寒中風。醫反下之。其人下利日數十行。穀不化。腹中雷鳴。心下痞鞭而滿。乾嘔心煩不得安。醫見心下痞。謂病不盡。復下之。其痞益甚。此非結熱。但以胃中虛。客氣上逆。故使鞭也。甘草瀉心湯主之。方二十一。

甘草四兩炙 黃芩三兩 乾薑三兩 人參三兩 半夏半升洗 大棗十二枚擘 黃連一兩

通行本闕。

半升

十二枚擘

一兩

右七味。以水一斗。煮取六升。去滓。再煎。取三升。溫服一升。日三服。

傷寒。服湯藥。下利不止。心下痞鞭。服瀉心湯已。復以他藥下之。利不止。醫以理中與之。利益甚。理中者。理中焦。此利在下焦。赤石脂禹餘糧湯主之。復不止者。當利其小便。

赤石脂禹餘糧湯方。二十二。

赤石脂碎一斤 太一禹餘糧碎一斤

右二味。以水六升。煮取二升。去滓。分溫三服。

傷寒。吐下後。發汗。虛煩脈甚微。八九日。心下痞鞭。脅下痛。氣上衝咽喉。眩冒。經脈動惕者。久而成痿。

傷寒發汗。若吐若下解後。心下痞鞭。噫氣不除者。旋復代赭湯主之。方二十三。

旋復花三兩 人參二兩 生薑五兩 代赭一兩 甘草三兩 半夏半升 大棗十二枚